

中国边疆研究资料文库·边疆行政建制初编

西北及西南

中国边疆研究资料文库·边疆行政建制初编

西北及西南

西陲總統事畧

卷八

錢法
銅鉛廠
煤廠

船工
壩工
木稅

圖籍

敦學

世職

節孝

西陲總統事畧卷八

官保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室賡寧安齋繪圖

前任吏部員外郎程振甲也園校刊

錢法 銅鉛廠 煤廠

乾隆四十年將軍伊勒圖

奏准伊犁鼓鑄制錢其清文

勅用寶伊二字以撫民同知管理 設爐二座鼓鑄錢文每

錢法 銅鉛廠 煤廠二

一文重一錢二分用紅銅八分四釐黑鉛三分四釐
八毫點錫一釐二毫用烏什喀什噶爾喀喇沙爾等
處運來銅三千九百觔又本處廠採銅六千餘觔鉛
四千二百餘觔其點錫一百四十觔及應用器具俱
由該局領價備置每年鑄錢九百餘串至一千一百
餘串不等嗣於五十七年經將軍保寧

奏明加鑄錢六百串共錢一千七百二十二串係按春
秋兩卯開鑄交庫以備搭放兵餉每年自正月初十
日開鑄至五月底止又自七月初十日開鑄至十一
月底止各一百四十日各經費銀二百三十兩八錢

零口糧八千一百二十觔又自六月初一日停鑄至七月初九日止自十二月初一日停鑄至次年正月初九日止各四十日各經費銀九兩五錢零口糧一千一百六十觔俱於房租斛面項下動用

乾隆四十一年將軍伊勒圖

奏准於伊犁哈爾海圖地方開採銅觔歲獲銅二三千觔至五六千觔不等派廢員二員經管

乾隆五十六年將軍保寧

奏准哈爾海圖地方銅礦不能充旺派熟諳員弁在哈什地方另開新礦自五十四年起至今三年每月增

採五六百觔俟數年後儘可添鑄錢文於邊地兵民大有裨益

乾隆五十七年將軍保寧

奏准伊犁銅觔於喀什開採以來每年收獲七千餘觔請於歲鑄額外加鑄錢六百串搭放兵餉

嘉慶六年由喀什移銅廠於巴彥岱呼巴海地方

漢名

三道河開礦採挖 以上四條係銅

乾隆三十一年將軍明瑞

奏准在喀什地方開採黑鉛用製軍火鉛丸歲獲鉛六七千觔至一萬餘觔不等派廢員經管每年所獲鉛

勦除撥運寶伊局外餘鉛仍爲軍火鉛丸存貯惠遠
軍器庫

乾隆六十年將軍保寧

奏准向在雅瑪圖地方設立鉛廠近因出鉛漸少委員
在厄魯特游牧察奇爾阿滿山內採挖派廢員經管
以上二
條係鉛

乾隆三十八年將軍舒赫德

奏言伊犁種地回子應用耕作器具於各處買舊鐵器
製造數年以來採買迨盡因派回子在伊犁河南山
索果爾地方採挖生鐵鍛煉應用請於阿克蘇移調

熟習採鐵回子三十戶以資採挖又於綠營兵丁內酌撥協同採挖以資耕作得

旨允行隨經綠營派外委一員兵丁二十名赴山挖鐵因路遠恐悞屯工於四十年就近在喀郭囉鄂博採挖其回子仍在索果爾山採挖應用

此條係鐵

乾隆三十七年將軍舒赫德

奏准於喀什地方開墾地畝每年所收糧石共給兩廠採挖銅鉛及種地各遣犯口糧派廢員經管

嘉慶九年將軍松筠

奏言伊犁採煉銅鉛廠夫口糧總須喀什河南屯田收

獲小麥二千石方足一年之需該屯向係派撥遣犯數十名前往耕種不但不習耕作所收麥石不敷且因毗連厄魯特游牧每多偷盜於屯種有名無實莫若改撥回子耕種每年交納小麥二千石以供銅鉛廠夫口食等因欽奉

上諭松筠奏伊犁採煉銅鉛廠夫口食總須喀什河南屯田收穫小麥二千石方足一年之需該屯向係派撥遣犯數十名前往耕種不但不習耕作致所收糧石不敷且因毗連厄魯特游牧每多偷盜於屯種有名無實莫若撥給回子六千戶俾應納官糧盈餘即可養贍家口

等語着照所請將喀什河南遣屯地畝改撥伊犁種地之六千回戶耕種仍將本年回子借種厄魯特之地一併撥給其春稽地方有田二千餘畝亦准回子耕種每年交納小麥二千石以供銅鉛廠夫口食所有撥往種地之遣犯數十名卽着撤回歸厥當差欽此

以上二條係銅鉛廠

口糧

乾隆四十七年將軍伊勒圖

奏准崆郭囉鄂博一帶有大山頭石人子甘溝三處設立煤窑二十四座內長年挖取者十六座有夏秋地氣熏蒸不能入洞採挖惟冬春堪以挖取者八座均

照

盛京煤窑之例按窑座獲利以十二股抽收每年征收
稅銀三百二十四兩八錢零嗣於五十年添窑十二
座加增稅銀一百三十四兩六錢零至五十三年報
明窑塌二座減收租銀二十一兩七錢零至今實有
煤窑三十四座每年徵收稅銀四百三十七兩七錢
零交庫歸入新收房租項下此條係煤按房租一
起因九城房間開閉無常每年約
徵銀一萬二三千兩零多寡不等

船工 壩工 木稅

奏設運糧船十六隻 先是每年種地回子所交糧石就近貯固爾札倉八旗官兵月支口糧僱車赴領需費甚多經將軍阿桂查明伊犁河由固爾札徑至惠遠城堪以船運於乾隆三十二年造船試運可行至三十七年船始造成每旗船二隻共船十六隻每年伊犁河開後自三月起至九月底止由固爾札倉陸續運糧四萬石交惠遠城倉收貯以供支發派本城協領二員經理廢員二三員督同滿兵押運每年運竣官員奏明議叙兵丁賞給一月鹽菜押運廢員註

冊後因惠遠城倉貯糧石既多間於水小之年止運
一半二萬石餘按年具

奏有案

奏定修船年分三年小修五年大修小修之年船工處
自行辦理其拆造大修所需銀兩在房租下動撥造
報

伊犁河口設渡船二隻固爾札設渡船二隻 惠遠
城固爾札沿河俱有渡口每處添設渡船二隻令遣
犯常川伺候以備往來行人並南路各回城運送官
物隨時過渡並派員稽查過渡及伐木民人後錫伯

厄魯特兩營亦已各造船隻爲該營人等因公過渡
甚便 以上三條係船工

附 壩工 嘉慶十二年將軍松筠

奏言伊犁惠遠城在大河岸當年城至河岸相距二三
里歷年水發冲刷堤岸率以柳固絡石水長輒壞辦
理迄無成效今堤岸距城僅半里許 奴才 於本年春

間派委原任河道總督李亨特相度形勢創築挑水
土壩長六十餘丈底寬七丈頂寬四丈迎溜築埽鑲
護水至掛淤本年夏秋水發竟免冲刷是此項壩工
實屬有益相應奏明嗣後每年春間責成八旗協領